

1621_005.jpg


Histoire de nostre temps.

public de sa Majesté Imperiale, laquelle au-
roit commandé derechef à luy Duc de Baui-
eres d'employer toutes ses forces pour em-
pescher les rauages & hostilitez des gens de
guerre Mansfeldiens, tellement que pour son
denoir, & pour empescher que les pays de
ses Confederez n'en receussent d'auantage
d'incommoditez, il s'estoit resolu au nom de
la Sainte Trinité d'executer la Commission
de sadite M. Imperiale; & esperoit, que com-
me Dieu tout puissant auoit esté iusques icy le
protecteur & defenseur des iustes armes de
l'Empereur, qu'il continueroit sur icelles ses
mesmes benedictions & faueurs, pour repri-
mer tant d'attentats & d'hostilitez qui se cō-
mettoient au subject du trouble de Boheme,
& pour donner la paix à ce desolé Royaume,
& le remettre en son pristin estat.

Que voyant que Mansfeld s'estoit fortifié
en certaines places frontieres de Boheme, luy
Duc estoit contrainct de premierement con-
duire son armee par le haut Palatinat, ce qui
ne se pourroit faire sans y apporter beaucoup
de dommage, où d'ordinaire l'innocent patif-
soit avec le coupable; occasion pourquoy il
auroit voulu aduertir tous les Estats & habi-
tans du haut Palatinat de la Commission que
sa Majesté Imperiale luy auoit donnee pour
deliurer le Royaume de Boheme des violences
de Mansfeld & de ses gens de guerre, & leur
enjoindre de ne prester audit Mansfeld, ses
complices & ennemis de sadite Majesté Imp.
aucun ayde, secours, assistance & faueur: mais

A iij

1621_006.jpg



1621_007.jpg

Histoire de nostre temps. 7

dans les perils & malheurs de la guerre : & qu'un chacun d'eux eust aussi à le rendre incertain du deuoir qu'ils desiroient appartenir pour l'exécution de ladite Commission de sa Majesté Imperiale, afin qu'il leur peust donner conseil & toute assurance, selon le besoin & la nécessité qu'ils en pourroient auoir.


Ainsi le Duc de Bavières enuoya ses lettres monitoriales aux Estats du haut Palatinat, pour, suivant les formes anciennement pratiquées par ceux qui desiroient que l'on sceust la Iustice de leurs armes n'auoir autre but que de venger les injures faictes aux bons par les meschans, leur faire entendre qu'en la prise des siennes il n'y alloit de son particulier, & n'estoit que le Ministre & executeur des volontez de sa Majesté Imperiale.

Les Geographes qui ont faict la Carte du haut Palatinat, mettent qu'il a la Bohème à l'Orient, la Franconie à l'Occident, le Danube au Midy, qui le diuise de la Duché de Bavières, & le Mont de Pinifer ou Fichtelberg au Septentrion, qui le separe de la Voithlandie, duquel mont sortent quatre fleuves comme en croix, sçauoir, le Nab qui trauerse le haut Palatinat & va tóber dans le Danube, le Mein qui va passer par la Franconie & se iette dans le Rhin, & l'Egra & Sala lesquels par deux courses contraires s'en vont en fin perdre leurs noms dans l'Elbe.


Ils disent aussi que ce haut Palatinat est posé au milieu de l'Europe, qu'il est appelé le

A iiii


1621_008.jpg



1621_009.jpg



1621_010.jpg



1621_011.jpg

Histoire de nostre temps.

II


prendre d'heure vne honorable composition, que de se hazarder par vne resistace à vne perte inévitable, ils firent sortir deux Capitaines, & deux Bourgeois pour parlementer, lesquels obtindrent dudit Duc, que les gens de guerre fortiroiēt armes & bagage sauues; & les Bourgeois seroient maintenus en leurs biens & privileges, apres auoir presté nouveau serment à son Altesse comme Commissaire de sa Majesté Imperiale.

Après la reddition de Cham, le Duc fit marcher l'armée vers la riuere de Schvartzza, où il prit Neubourg & Valdmunchen, puis ayant passé prez de Valdhausen, il reprist Pleistein, chassa les Mansfeldiens du Landgraviat de Luchtemberg, & ayant passé le Nabe se rendit maistre de Kembatt, Pressat, Eischembach, & Grafenverd, & fit loger son armée aux environs d'Amberg, qui est sur la riuere de Vifs.


Loge son
armée aux
environs
d'Amberg.

Les principaux Seigneurs du haut Palatinat qui estoient retirez dans Amberg, avec ceux qui y tenoient la Chancellerie ou le Senat, voyans d'un costé l'estat miserable où Mansfeld & ses gens de guerre auoient reduict les bourgs & villages par leurs rauages & pilleries; & d'autre part le Duc de Bauieres qui les pressoit les armes à la main de luy faire response à son exhortation & admonition, quitter le party du Palatin, abandonner Mansfeld, de ne luy plus ayder de viures & munitions, & se reduire à l'obeyssance de l'Empereur, eurent plusieurs conseils aupara-


1621_012.jpg



1621_013.jpg



1621_014.jpg



M. DC. XXI.

14 puissance des grands Princes, & qui sont à leur bien seance, sont de difficile restitution. Voyons ce qui se passoit cependant au Palatinat du Rhin.

Au fucillet 788. du septiesme tome, il a esté rapporté comme apres que la trefue fut finie au Palatinat du Rhin, Dom Gonçales Fernand des de Cordoua General des Espagnols estoit passé le Rhin, auoit surpris le Chasteau & la Tour de Stin, & que les Palatinois s'estans efforcez de le vouloir reprendre, auoient esté contraincts de leuer le siege au bout de trois iours. Or Veer General des Anglois commis à la garde du Palatinat, voyant les Espagnols au delà du Rhin, ietta la pluspart de ses forces dans Heildeberg & Manheim, croyant que les Espagnols deussent tourner leurs armes deuiers ces villes là, ce qu'ils ne firent pas; ains s'en allerent vers la Bergstrasse où ils se rendirent maistres de Bensheim, de la forteresse de Starkemburg, de Heppenheim, Vemheim, & de toutes les villes qui sont dans ce traict de montagnes qui semble separer le Palatinat de la Franconie.

Cordoua
General des
Espagnols
ayant passé
le Rhin se
réd maistre
de plusieurs
villes en la
Bergstrasse.

Repasse
le Rhin &
prend Kei-
fers lauter
& Land-
stal.

Cela faict, l'armee Espagnole retourna vers Stin, où Cordoua estant aduertie du peu de gens de guerre qui estoient dās Keisers-lauter où commandoit le Capitaine Raquet, repassa le Rhin, & la fit soudainement inuestir d'un costé. Raquet auoit esté autrefois sommé de se rendre, mais ayant en ce temps là nombre suffisant de gens de guerre pour deffendre la place, il auoit fait aussi responce aux Espagnols, Ny ve-

Image issue du site mercurefrancois.ehess.fr - Cliché (c) Cécile Soudan